

Gvidilo por rubrikestroj kaj kontribuantoj al Juna amiko

Kontribuoj por la revuo estas bonvenaj, duoble tiel, se vi mem povas enpaĝigi ilin. Jen gvidilo pri tio.

Ni pretigas la paĝojn per Microsoft Word, sur bazpaĝoj, kiujn ni liveras. La bazpaĝo enhavas nur du revu-paĝojn, unu maldekstran, unu dekstran. La bazpaĝo havas nur la paĝnumerojn kaj piedajn indikojn.

Malfermu la bazpaĝon kaj ĝisdatigu ĝin laubezone – klaku la piednot-areon kaj ĝisdatigu la monatindikon. Savu la bazpaĝon. Poste savu ĝin sub nomo konvena por la difinita revunumero, eventuale en aparta dosiero. Tiel vi konservas malplenan bazpaĝon por aliaj paĝoj kaj estontaj numeroj.

Nomu la dosierojn sisteme: unue la revunumero, poste la paĝ-numeroj, poste utila mallonga nomo por la paĝparo.

Ekzemple, por numero 2010-2:

j102 p 04-05 enkonduko

j102 p 06-07 fabelo

...ktp.

Kiam la dosiero estas kreita kaj nomita, klaku la piednot-areon kaj entajpu la bezonatajn paĝnumerojn. La redaktoroj rezervas la rajton sendi vian materialon al aliaj paĝoj.

Vi povas verki vian artikolon en aparta dosiero kaj poste glui ĝin en la paĝaron, aŭ tajpi ĝin rekte en la kreitan paĝon. La teksto fluos de la maldekstra paĝo al la dekstra. Se vi kreas, ekzemple, kvar-paĝan artikolon bonvolu pretigi du paĝarojn. Provu limigi la alineostilojn uzataj; atentu tion precipe se vi engluas tekston el alia dosiero, vi riskas enporti centojn de malbezonataj stiloj, kiuj riskas transsalti en la bazpaĝon.

Litertipo:

Nia kutima litertipo por la komenco de la revuo estas Tahoma, je 11 punktoj por pli simplaj artikoloj apud la komenco de la revuo, kaj 10-punktaj por materialo poste en la revuo, aŭ por pli longaj tekstoj. Titoloj estas variaj, kaj specifaj rubrikoj povas havi propran bazan litertipon. Laŭeble uzu tipografiajn stilojn kiuj estas vaste haveblaj, kaj kiuj verŝajne troviĝos ĉe la fin-redakta maŝino. Ni uzas Unikodajn solvojn por krei la supersignitajn literojn, laŭpete ni donos helpon kiel krei tiujn per rapid-klavoj ĉe 'Enmetu Simbolon.'

Vortklarigoj:

Se via artikolo enhavas vortojn ekster la baza radikaro (videbla ĉe www.junaamiko.inf.hu) ni petas vin pretigi klarigojn, laŭ la modelo trovebla en la revuo. La vortoj kaj dupunkto estu kursivaj, la klarigo per normala teksto. Por tio ni uzas Arial je 8pt. Ni metas du spacojn post la du-punkto. La klarigoj kutime aperas en teksto-kestoj. Se klarigo okupas pli ol unu linio, la dua kaj posta linioj havu ensalton. Klarigo kun verbo finiĝu per punkto, klarigo sen verbo ne havu.

Alineoj en ĉefteksto:

La komenca linio de ĉiu alineo post la unua havu ensalton de du musosaltetoj ĉe la liniostrio, kaj ses punktoj da ekstra spaco inter du alineoj. Ne kreu tro da alineoj; krom se estas klaraj stilaj bezonoj, alineoj konsistu el almenaŭ kvar frazoj kaj 5-6 linioj. Por nia revuo, alineo ne okupu pli ol duonan paĝon. Kuglo-listoj havu du-saltan ensalton, kun 6-punkta spaco super la unua punkto kaj 6-punkta spaco sub la lasta. Alineo tuj sub kuglo-listo (aŭ numerita listo) ne havu ensalton.

Bildoj:

Eblas enporti konvenajn bildojn el ClipArt. Se vi uzas proprajn bildojn, laŭeble mem skanu kaj enportu ilin. Uzu almenaŭ 300-pikselojn en colo. Bildoj kaptitaj de ekrano aŭ pretigitaj por ekrana rigardo kutime havas 96 pikselojn en colo, kaj tiuj ne konvenas por presado. Por la enporto preferu formaton kiu ne estas tro peza, ekzemple JPEG, evitu tre pezajn formatojn, ekz. BMP, kaj zorgu ke la absolutaj mezuroj de la bildoj ne estu tro grandaj – tio ne bonigas la kvaliton, nur pezigas la fajlon. Se vi ne havas skanilon, vi povas sendi fizikajn fotojn al la redakcio. Ni akceptas proponojn por aperigo de bildoj sur la kovriloj per kolora preso. Tiuj fotoj devas esti tre altkvalitaj (prefere 400 pikseloj cole), bone komponitaj; kaj se aperas vizaĝoj, la okuloj de la ĉefaj homoj estu videblaj. En tiuj kazoj, krom se vi bone konas la skanadon kaj bildprilaboradon, prefere sendu fizikan foton. Pri la plenkoloraj kovriloj respondecas Géza Kurucz. Kandidato-fotojn oni provu ne sendu lastmomente antaŭ limdatoj.

Pretigo:

Principe la limdatoj por rubrukoj kaj kontribuaĵoj estas Marto 15, Junio 15 kaj Oktobro 15, sed tiuj povas varii depende de ferioj ks.

Sendu la paĝojn en Word al la redakcio (momente Géza Kurucz, Julianna Vas-Szegedi kaj Stefan MacGill). Se vi kapablas krei PDF-dosierojn, sendu al la redakcio ankaŭ PDF, kiu funkcias por permesi al ni kontroli ke nenio ŝanĝiĝis kiam la fajlo Word estas montrata en alia komputilo. Ni provos resendi al vi la finan formon de viaj paĝoj, post la redaktado kaj la akademianan lingvo-kontrolon.

"Kurucz Géza" <geza@banyai-kkt.sulinet.hu>,
"Vas-Szegedi Julianna" <vasszegedi@gmail.com>,
"Stefan MacGill" <stefan.macgill@gmail.com>,

Antaudankon pro via kunlaboro!

Ĉi tiu teksto estas ankaŭ havebla uzante la h-solvon por supersignoj, tauga por trareta sendo al homoj sen Unikod-kapablaj poŝto-sistemoj.